


MIN BIKUJE

MIN BIKUJE



Bihar Berzincî

Min tam nekiriye mirinê
Lê min tam kiriye û ez nêzîkî
mirinê bûyîme
Tu ... bi bihatirîn tişt bûyî li ser
rûyê erdê
Erê, raste em jêkvebûyîn?
Raste hemû tişt mirin li ser rûyê
erdê
Erê raste ez mam bi tinê?
Li te digirim, li hemû semt û
rex û rûya
bi dirêjî û firehiya
Raste te, ez li paş xwe hêlêm
Û ez pirte belave bûm
Evro xwe lêkdam
* * *
Spêdê ji xwe radibim, ji xeyrî
roja xwe nabînim
hest bi xeribiyê dikim û dil sar
dibît
Ez: pê dihesim hêşta sax im û
du pîrbûna te kabûsek bû di
şevêka rêving de
Xemên min hêşta yên di cihê
xwe de, li gel ketwarekê tu tê de
ne

çavên xwe dinevînim
çi tişt piştî te min ji xwe narakin

* * *

Destê xwe dihavêjim mobayilê,
li xezîneka nama digirim
Belku peyvek gehiştîye min!

Lê pa;

Tinê reşekê ji te dibînim

Dûrî xwe dihavêjim

Li ser textê bê deng dibim

Serê xwe diêxim di nav çûkên

xwe de û dilerizim...digirîm

Xwe dibînim tifaleka sava û

nivistî

Li ber singê dayîka xwe
hişyar dibim

Tine xwe sêwî dibînim

* * *

Berev qudîkê ve diçim
digirnijim bo wênê xwe

Xwe nas nakim û min viya
bêjimê tu kî?

Ez tirsiyam û min got:

Eve ez im!

Lê pa, mezintire ji min

Por spî ye

Rûkên wê qurmiçîne!

Lê dêmê min berzetiya erdî tê
de ye

Geşe weku biharê

Tirsê girtim...

* * *

Raste dûrbûna te ez êxistim di

şevêkê de

Li bihara jiyê min kire payîz

Nizanim,

Eve lêkdana dûrbîniyê ye, yan

ji çirmisîna perîşaniyê ye

Erê ev çirmisîne posîdeye

Yan xiyaneta payîzê ye bo

biharê

Hêdî, hêdî

keziyên xwe min vehînan û

bi girnijîneka pêtî li ser lêva û

xweştirîn gulav min li xwe kir

Ewa te bo min hinartî rojekê li

gel kefîkeka binevşî

* * *

Û li wêra he...

Babe kal pê rûniştî

Ewê jiyana xwe gorî min kirî

Min xwe havête singe wî û ez

kenîm

Belê, ji nav de

Digirîm û dikelim ewî

Hest bi hemû tiştan kir

Serê min dayna li ber singê xwe

Û gote min,

Jiyan berdewame babo!

Min kire girî û min serê wî

maçî kir û

Ez bi tirimbêlê çûm

Bêyî ku bizanim bo kî ve

Ya ji min ve ez a li xwe digirim

Heta westiyam ...!